


## سۆز آزادلیغیدینلره توهین ائله‌ماق معناسیندا دئییل

دنیا کاتولیکلر رهبری پاپ فرانسیس دئدی: سۆز آزادلیغیندا محدودیتلرین اولدوغو زمان دینلره توهین اولار. هر دینین اؤزونه احترام و عزتی واردیر.



دنیا کاتولیکلر رهبری پاپ فرانسیس دئدی: سۆز آزادلیغیندا محدودیتلرین اولدوغو زمان دینلره توهین اولار. هر دینین اؤزونه احترام و عزتی واردیر.

دنیا کاتولیکلر رهبری، پاپ فرانسیس فیلیپینه اولان سفرینده «شارلی ابدو» مجله‌سی‌نین حادثه‌سینه اشاره ائله‌ماغینان دئدی: سۆز آزادلیغیندا محدودیتلرین اولدوغو زمان دینلره توهین اولار. هر دینین اؤزونه احترام و عزتی واردیر.

ان‌بی‌سی کانالی‌نین وئردیغی خیره گۆره، پاپ فرانسیس فیلیپینده‌کی دانیشیغیندا دئدی: «هئچ کس دینلری مسخره ائلیه بیلمز». او هابئله آرتیردی: « دین و سۆز آزادلیغی هر ایکسی‌ده انسانین ابتدایی حقلریندندیر و هر دینین اؤز عزت و احترامی وار».

دنیا کاتولیکلر رهبری، شارلی ابدو مجله‌سی واسطه‌سی اینن اسلام پیغمبره (ص) چکیلن اهانتلی کاریکاتورلارا اشاره ائدیپ دئدی: « آیری دینین منسوبلارینی غضبلندیرماغا و یا آیری انسانلارین دینلرینه توهین ائله‌ماغا هئچ کسین حقی یوخدور. هئچ کس آیری دینلری مسخره ائلیه بیلمز».

او آرتیردی: دینلر باره‌سینده محدودیت وار و هر دینین اؤز احترام و عزتی وار و سۆز آزادلیغی دینلره توهین ائله‌ماق معناسیندا دئییل.